

պատմութեան մէջ պէտք է արձանագրուի «հա-  
կահայկական պոզիտիւստիսմի մաս» անունով:  
Այդ ճառի մէջ բոլշեւիկները կողմից Վրաս-  
տանի դէմ ձեռնարկուած անիրաւ պատերազմը  
ներկայացուած է իբրեւ ստոր դաւ, որ... ղեկը  
կորցրած «Թշուառական հայ ժողովուրդը»,  
մարդկային եւ հարեւանական բոլոր սրբու-  
թիւնները ոտքի տակ տալով, նիւթել էր Վր-  
րաստանի Հանրապետութեան դէմ՝ նրան կոր-  
ծանելու նպատակով...

Պատերազմական թռուրտի մէջ այս ճա-  
ռը վայրկենապէս պոզիտիւստիսմի մթնոլորտ ըս-  
տեղծեց Թիֆլիսում եւ Վրաստանի միւս հա-  
յարնակ վայրերում: Թշնամու յաղթական ա-  
ռաջխաղացութիւնից դադարած վրաց ամբոխը,  
իր հեղինակաւոր առաջնորդի բերնից լսելով,  
թէ Վրաստանի դէմ արշաւողները ռուս բոլշե-  
ւիկները եւ նրանց հայ ու վրացի մանկալուիկ-  
ները չեն, այլ «Թշուառական հայ ժողովուրդն»  
է՝ անսահման ցատումով էր լցուել դէպի վեր-  
ջինս: Բնականաբար այս ցատման անմիջական  
զոհը պիտի լինէր Վրաստանի հայութիւնը, ո-  
րի սարսափահար աչքերի առաջ նորից ցցուեց  
1918-1919-ի ձմեռան հալածանքների մղձաւան-  
ջը: Սարսափը մեծ էր մահաւանդ այն պատ-  
ճառով, որ հայ-վրացական պատերազմի ժա-  
մանակ Ժորզանիան գէթ խօսքով անմեղ էր  
յայտարարում հայ ժողովուրդը եւ իր պաշտ-  
պանութեան տակ առնում, իսկ այժմ նրա թու-  
նաւոր նետերը հէնց այդ հայ ժողովուրդի դէմ  
էին ուղղուած...

Մինչդեռ վիրահայ ժողովուրդը ահ ու  
զոհով սպասում էր իր շուրջը խտացած մըթ-  
նոլորտի պոռթկմանը, առանց նոյնիսկ ինք-  
նապաշտպանութեան միջոցների մասին խորհել  
կարենալու՝ Թիֆլիս հասան Հայաստանի Փե-  
տրոլարեան ապստամբութեան լուրերը եւ ա-  
մէն ոք տեսաւ, որ «Թշուառական հայ ժողո-  
վուրդը» ոչ միայն ռուս դաւ չէ նիւթել Վրաս-  
տանի Հանրապետութեան դէմ, այլ եւ սրա վը-  
րայ արշաւող բոլշեւիկեան ուժերի թիկուն-  
քում ապստամբութիւն կազմակերպելով՝ ինք-  
նաբերաբար ձեռք է մեկնում նոյն բռնապե-  
տութեան դէմ պայքարող վրաց ժողովուրդին...

Այսպիսով, Փետրոլարեան ապստամբու-  
թիւնը ոչ միայն փրկեց Հայաստանի բանտե-

րում բոլշեւիկեան դահիճների կացիններին  
սպասող հարիւրաւոր հայ բանտարկեալների  
կեանքը, այլ եւ ազատեց Վաստանի հայու-  
թիւնը անխուսափելի պոզիտիւստիսմից:

Սակայն, ի՞նչն էր դրդում Ժորզանիային  
այսպիսի մի ահաւոր ճառ արտասանելու Վը-  
րաստանի Սահմանադիր Ժողովում: Մի՞թէ  
նա չգիտէր, թէ հայ ժողովուրդը ի՞նչ վերա-  
բերմունք ունէր դէպի այն ոճրագործ վոհ-  
մակները, որոնք Վրաստանի Հանրապետու-  
թեան դէմ դուրս գալուց առաջ, թիւրքերի  
զործակցութեամբ յօշոտել էին Հայաստանի  
Հանրապետութիւնը: Մի՞թէ նա անտեղեակ  
էր, թէ այդ վոհմակները տիրապետութեան  
տակ ի՞նչ սոսկումներ էին կատարում Հա-  
յաստանի բանտերում եւ բանտերից դուրս,—  
սոսկումներ, որոնք ստիպում էին հայ ժողո-  
վուրդին մինչեւ իսկ թիւրքերի «մեծարտու-  
թեանը» ապաւինել՝ բոլշեւիկեան կարմիր դա-  
հիճների երեսը չտեսնելու համար: Վերջա-  
պէս, մի՞թէ Ժորզանիան չգիտէր, թէ իր ճառը  
ի՞նչ օրհասական նշանակութիւն կարող էր ու-  
նենալ վիրահայ ժողովուրդի համար, որ այն-  
քա՛ն պատրաստակամութեամբ ընդառաջ էր  
գնում վրաց կառավարութեան բոլոր պա-  
հանջներին՝ ի սրտէ ցանկանալով, որ վերջինս  
կարողանայ ազատել Վրաստանը բոլշեւիկեան  
տիրապետութեան պատուհասից:

Ժորզանիան գիտէր այս ամէնը: Բայց եւ  
այնպէս նրան այդ ճառն անհրաժեշտ էր թւում  
նազմաբազմակիսի նկատումներով: Նա տես-  
նում էր, որ վրացիք դժկամակում էին կոուել  
ռուս բոլշեւիկների դէմ: Գժկամակում էին  
ոչ թէ այն պատճառով, որ նրանց սիրում էին,  
այլ որովհետեւ նրանց վրայ նայում էին իբրեւ  
Ռուսաստանի վրայ, որի դէմ պատերազմելը  
իրենց ուժերից վեր էին համարում: Եւ ահա  
այս մտայնութիւնից առաջացած յուսալքու-  
թիւնը փարատելու համար, Ժորզանիան թե-  
թեւ սրտով շանթեր էր արձակում «թշուառա-  
կան հայ ժողովուրդի» դէմ: Հոգ չէր, թէ սրա-  
նից ինչ փորձանքներ կը ծագէին վիրահայ  
զանգուածների համար:

Ժորզանիան փորձով գիտէր, որ այսօրի-  
նակ «անպատեհութիւնները» ժամանակի ըն-  
թացքում մոռացւում են: Գլխաւորն այն էր,